



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

5. Et ex varijs rationibus.

urn:nbn:de:hbz:466:1-38277

dignitatis sit, quæ colore, obtentuque exerciti abusus non ad pedes sibi possit profani tribunalis, prostrata interim capityaque eâ libertate, quæ & Gallis ornamento, & toti terrarum Orbis olim exemplo fuit. Id est, quod ultimo hoc seculo Ecclesia Gallicana auctoritatem iustæ & venerationem subtrahit, ac sacram monrum disciplinam planè subvertit; atque utinam post hanc Ecclesia desolationem, quam oculis usurpamus; non etiam Imperij ruina subsequatur. Quid possit contra hujusmodi Appellationes gravius dici à Clero Gallicano? Nec minùs patheticè nomine ejusdem Cleri Episcopus Ambianensis: (a) Sed Appellationes, inquit, ab abuso multò plus confusionis dannique Ecclesijs attulere. He sunt nova fabula neniaq; prioribus rerro seculis in Gallis nunquam audite, & quarum veneno alia Christiani Orbis Nationes hactenus intacta sunt. Hæc sunt de Appellationibus tanquam ab abuso Cleri Gallicani sensa, à quibus quantum Maimburgi de ijsdem Appellationibus sententia abhorreat, nemo non intelligit; ut mirum videri debeat, hominem, qui singulis ferè paginis auctoritatem jaçat Cleri Gallicani, cámque ccelis exæquat; quoties videlicet in umbrandæ Pontificum Majestati servire Maimburgo videtur: nunc verò ubi de viribus & libertate Ecclesiarum agitur, palam à Clero Gallicano deficere, & quod rem ipsam spestat, totam de causis spiritualibus judicandi potestatem Parliamentis adscribere: aded videlicet se Aula devinxit, ut hanc unam respiceret, nullo æqui aut iniqui discrimine, & solâ Principem demerendi cupidine.

V. Quinto. Sed & nihil magis, ut istæ Appellationes, rectæ Rationi adversum. Quidquid enim tot Canonum & Conciliorum apparatu, ac etiam Principum editiis circa Immunitatem Ecclesiasticam, ac etiam tot Episcoporum ac Martyrum pugnis sanctum est, totum illud evertitur istarum Appellationum ludibrio. Quidquid enim aut Pontifices, aut Episcopi decernent, quod Principi non placeat, abusus potestatis vocabitur; nec deerunt venales animi, calamique, quibus Palatia semper abundarunt; qui inductis coloribus in abusum transforment, quidquid aulæ displicuit. Quid ergo tam rectum fuerit, quod vocari abusus non possit? & consequenter quæ causa tam sancta & Ecclesiastica,

(a) Episcop. Ambian. in Orat. nomine Cleri Gallican. Anno 1666. Tom. 5. Actio. Cler. Gallic.

stica, quæ prophanis judicijs non subdatur? quò ergo tot Concilia, tot Canones, tot Principum edicta, Patrumque labores, ne sacerulares de causis Ecclesiasticis judicent prohibentium? quoties enim aut sacerdoti obtemperare noluero, aut libido vel quæstus fuerit res sacras contrectandi, abufum vocabo: frustra ergo canones, frustra reliquæ Tabernaculi fores clausæ, hancunâ patente; quid enim interest, quâ januâ irrumpas? Ex quo aliud incommodum sequitur, & præcipui quidem momenti, videlicet, iniuriam fore omnem potestatis Ecclesiastice monendivim, puniendi que, ac Principes sacerulares dirigendi. Nemo planè Pontificis & Ecclesiasticorum directione magis, quam Principes, indigeret; in summo quippe fastigio constitutis, cùm nec potestas desit, nec cupiditas pro arbitrio imperandi; & nemo sit, qui cupiditates Principum aut metu, aut imperio moretur: imò perpetuae sint voices, omnia in Principe comprobantum; quis rogo aut errantes, aut præcipitio imminentes moneat teneatque, aut objectis sacram legum & canonum repagulis, periculo arceat, si Pontifici communii omnium Patri, & Majestate ac Religione etiam Regibus verendis id non permittas? At verò quid Pontifices & Episcopi amplius possint, si ab eorum legibus, Decretisq; appellare liceat, sique iurulia ea reddere abusum obtentu? an verò Principibus colores deerunt, omnia in abusum fingendi? aut erit aliquid tam sanctum, tam justum, quod appellari abusus non possit, si Principi non placeat? Prohibent canones, & ad istorum normam prohibent Pontifices turbare liberas electiones, proventus Ecclesiasticos invadere, Episcoporum causas prophanis Tribunalibus subdere, Beneficia in unam, eandemque Personam confertim deponere, & alia mille Canonibus adversa: obtemperare Principes renuunt, & tam justa imperia abusum vocant potestatis. Quid ergo proderit in Pontifice, alijsque Episcopis potestas imperandi, si nulla in subditis necessitas obsequendi? Deinde quam illud absurdum, quod velint Parliamentum, Senatores, Regem aliasque potestates sacerulares de Pontifice & Episcopis judicare, an, cùm imperant, cùm prohibent, puniuntque, suâ potestate contra Canones abutantur? quomodo enim de canonum, rerumque Ecclesiasticarum abusu judicabunt, Canonum ipsi rerumque Ecclesiasticarum aut rudes, aut negligentes?

gentes? & qui negant Pontifici de rebus Politicis judicandi potestatem, sibi potestatem usurpabunt de rebus Ecclesiasticis decernendi? quod ergo eorum sententiâ Pontifici in Reges non licet, Regibus in Pontifices licebit? aut forte de rebus ad aras Deumque spectantibus, deque sacrorum Canonum intellectu, eorumque abusu melius Reges, Regique Parisijs Ministri, quam Pontifices ipsi & Episcopi judicabunt? id perinde fuerit, ac si judicium de rebus militaribus nautæ, aut de rebus nauticis Cantori permittas, & sententiam ab Astrologo expectes, quando & ubi in pingenda imagine suis pector coloribus ac penicillo abusus sit; quod si artifici in sua arte credendum est, quidni rebus Ecclesiam arâsque spectantibus Pontifici potius & Episcopis credas, quam Regi, Parlamento, Aulæque Ministris? Idque tantò æquius est, quod Rex quoque aliquique Principes sæculares in rebus merè temporalibus nunquam permisuri sunt, ut ab eorum sententijs, ad Episcoporum Tribunalia provocetur obtentu abusus; idque si quis attenter, velut offendæ Majestatis reus gravissimas pœnas daturus est: & tamen quis neget abuti illos posse Regiâ potestate? Si ergo quia Reges, quia Parlamenta errare possunt, suaque potestate abuti, non ideò tamen ab eorum sententijs ad Episcopos licet appellare, quanto minus licebit à Pontifice ad Reges?

VI. Unde facile respondeas ad ea, quæ objectari solent, quæque ad hoc unum reducuntur, videlicet, Reges Canonum Custodes esse, legûmque præsertim naturalium defensores, si ergo aliquid Pontifices contra Canones (a) moliantur, aut privatis, Regiisque juribus officiant; poterunt Reges eorum conatus coercere, & Decreta compescere; quo verò titulo & colore honestiore, quam si objiciant abusos esse potestate? & in hunc finem accumulantur canones, quibus rerum Ecclesiasticarum custodia Principibus defertur.

Reph. Multis modis refelli potest hæc objectio. Nam Primo, si à Pontificum, Episcoporumque Decretis Ecclesiasticis appellari potest ad Magistratum sæcularem prætextu abusus & jure naturalis defensionis; sequetur pari imo eadem ratione, à Magistratu

(a) Can. filij 16. q. 7. can. boni Principis d. 96. can. Tributum 23. q. 8. can. Principes 23. q. 5. can. Maximianus 23. q. 3. & q. 5. & can. Regum. can. Imperatoribus. can. qui potest.